

REGICIDIVM DE-
TESTATVM, QVÆSITVM,
PRÆCAVTVM. no. 3

CLARISSIMO VIRO EMERICO
REGINALDO *Amplissimo in Pictonum
Curiâ Præsidi, & ad LYDOVICVM XIII.
Franciæ Nauarraq; Regem Christia-
niß. nunc nuper Legato.*

FRANCISCVS MEINARDVS Frisius
in Academiâ Pictauensi Ante-
cessor. D. D.
Iuxta exemplar Pictauij impressum.



PARISIIS,
Apud IOANNEM LIBERT, via D. Ioan-
Lateranensis, propè Collegium
Cameracense.

M: DC: X:

THE HISTORY OF THE

REIGN OF KING CHARLES THE FIRST

BY JOHN BURNET

OF THE UNIVERSITY OF OXFORD

IN TWO VOLUMES

LONDON

Printed by J. Streater, at the Sign of the Gun, in St. Dunstons Church-yard, 1679.

By Authority.

Printed by J. Streater, at the Sign of the Gun, in St. Dunstons Church-yard, 1679.


By Authority.

Printed by J. Streater, at the Sign of the Gun, in St. Dunstons Church-yard, 1679.

By Authority.

Printed by J. Streater, at the Sign of the Gun, in St. Dunstons Church-yard, 1679.

By Authority.



CLARISSIMO VIRO

EMERICO REGINALDO

Amplissimo in Pictonum Curiâ Præsidi,
& ad LVDOVICVM XIII. Franciæ
Nauarręq; Regem Christianissimum nunc
nuper Legato Franciscus Meinardus An-
tecessor. S.

Nihil oraculo propius dictum reor,
Præses amplissime, quàm illud ma-
gni Doctoris Africanide Principum
casibus, ad Principes effatum, Vobiscum
concutitur Imperium, concussis etiam
cæteris membris. Quis enim Franciæ to-
tius HENRICI IIII. Optimi & inui-
ctissimi Principis casu non est cõcussus? Quos
(ut de aliis taceam) ciuitas Pictauiensis tre-
mores non sensit? & tamen sensit non ami-
sit: sed Francisci Aquilij de Pernan Maio-
ris Sapientissimi consilio præsentem erecta sta-
tim ad se redijt, animum collegit, parentiæ
fideiq; sacramentum Regi dixit, mox cir-

TERRA
Apol.

cumspexit, quem publicæ fidelitatis & obsequij sponforem mitteret. Nec mora, te B.

reip.
i, v-
rma-
lis a-
al.
in
antiq.

R. P. N. sapius experta, votis conspirantibus iterum legit, Legatúmque ad Regem destinat, gnara videlicet, eandem animi caniciem, & eloquentiam beato fonte manantem, quâ nuper in hac urbe HENRICVM patrem exceperas, & in admirationem tui, laudémque pertraxeras, apud LVDOVICVM filium matrémque Reginam tibi minimè defuturam. Sed dum tu serenasti frontem paulisper velinuitus, ut Legati, hoc est, tantæ ciuitatis personam condignè sustineres, & cum bono publico mandata perageres, à nobis mœrore victis has, quæ tibi reduci seruantur, & insolabiter iterantur, querelas, quæstiones, & cautiones dolor expressit ut quâ publicè tuâ legatione, quâ priuatim lessu nostro, Pictones animos omnium ciuium amoris, & fidei vinculis catenatos Regibus suis attestentur. Vale datum Augustoriti Pictonum, Pridie Id. Iunij Anno 1610.

REGICIDIVM,
DETESTATVM,
QVÆSITVM,
PRÆCAVTVM.

T Res illi quondam Syllæ discipuli tam famosi Lepidus, Antonius, & Octavius, post innumeros principes ciuitatis viros nefariè trucidatos, vt plenà manu crudelitati suæ litarent, edictum proposuerunt, quo miseri ciues non modò suorum carnificinas, ac mortes siccis oculis spectare, & gemitus in præcordijs strangulare iussi, sed etià coacti sunt ὁ θυμὸν αὐτῶν ὀφλήσοντες ἀλλὰ μὴ παιδαρχήσωσι. Bono latòq; esse animo, morte multandi nisi dicto forent audientes. Quid precor hoc edicto durius? quid authoribus edicti crudelius? apud quos scelus erat, scelera cum risu non videre, cum plausu non probare. Benè habet quod in tam impios naturæ tyranniones, ac hostes non incidimus. Benè est quod HENRICVS IIII. Rex iuiciss. dum suis magis, quam sibi cauet,

Apud si
lib. 4

LVDOVICVM filium, Regnorum non magis, quàm virtutum suarum hæredem, eiusq; matrem Reginam prudentissimam, cuius interim felici manu cuncta gubernentur, nobis reliquerit, apud quos & iustus subditorum dolor ingenium suum exercere queat, & Regijs manibus amorem adulationis exortem testari, & Regicidium detestari liceat, Regicidium autem? Imò parricidium longe immanissimum, quo nimirum *Parens Publi-*

Cassiod.
epist. 42.
lib. 4.

est, Re-
m custo-
s quos
o Alexā-
i salute
arius in-
pellat a-
diustitæ
o. 18. Stat.
lib. 1.

cus, id est, Optimus Princeps nobis ereptus est à nunquam nominando sicario, qui Regem sacratissimum tot prælijs incolumem, tot victorijs nobilem, adeóq; *Deos Regales* ausu tam nefando violavit. Sed quia nullus satis atrox stylus hoc sacrilegio, ultra omnem impietatem, & audaciam posito, verba condigna possit effodere, damnetur æterni silentij carcere, &

*Omnibus in terris scelus hoc, omniq; sub ævo,
Viderit una dies, monstrumq; infame futuris,
Excidat,*

ne vnquam inter Francos extitisse, vel tam horrédum facinus admisisse posteris obiiciatur, etenim,

Ibidem.

----- *misere quid crimina gentis
Pandere? quid casus inuat ostentare pudendos?
Queramus tamen, an credibile sit monstrum*

tam infame à Francis ortum; mihi certè non videtur, vt nec alijs videatur exquisitis rationum momentis efficere, & à nomine, ac contestatâ virtute Francorum, qui & Frisię meę quondam vicini habitarunt, & me nunc beneficio HENRICI V. iure Francię donatum pro suo agnoscunt, tanti notam criminis amoliri conabor. Cæterùm vt distinctiùs hæc inquisitio procedat, quamuis iamdiu Franci cum Gallis mixturam, & gentis vnitatem fecerint insolubilem, lubet tamen in re propositâ alteros ab alteris disparare, & cuiusque populi genium, mores, & affectus in Reges suos, aliósq; separatim expendere. Videamus irâque primum de Francis, qui, quantum ex veteris memorię scriptoribus repetere licet, Reges suos amore tam ingenuo, ac pertinaci coluerunt, vt Principes & Imperij Romani procures crederent, à prouincialibus citius Præsides suos, ac magistratus cum fascibus aliisque insignibus exturbatum iri: quàm Francos de Regibus suis necandis vel impiâ manu ferendis cogitatuos:

----- *Laudata fides, prouincia fasces
Expellet citius missos, quàm Francia Reges
Quos dederis, feriat.*

Claudian
I. panegy
Stileconi

Si Reges etiam aliunde petitos, & à Stilicone Principibúsq; Romanis datos adeò deue-

nerati sint Franci, nondum fidei Christianæ
radijs illustrati: quantâ religione putas eos
inactasse Reges deinde proprios, & gentili-
tos, cum salutaribus vndis lustrati, Christo-
que deuoti, nuntium Idolis remiserunt? E-
quidem nullus dubito, quin leges amoris in
Regem suum, quasi naturæ digito Franco-
rum animis inscribas, Christianæ doctrinæ
pietas valdè confirmauerit, & igniculos infi-
titios paganæ superstitionis cineribus sopi-
tos multo vehementius inflammauerit. Ni-
hil verbis intestatis credi volo, nihil histori-
cis indigenis, qui honori patriæ velificantes,
hoc sæpè laborant certatim, vt suos quàm
blandissimè fallant. Extraneos scriptores, &
extra suspicionis aleam positos ad testimonij
dictionem citabo. Quare, si placet, audia-
mus Cedrenum, autorem non proletarium
de cultu, & veneratione, quum Franci, iam
nominis Christiani titulo celebres, Regibus
suis impendebant, *Ἰστορίαι ὅτι ἐξ ὧν ὁ
Ρῆγας Φραγκίας καὶ Ἰπὸς ἀρχῇ*, id est, historia-
rum monumentis proditum est, quod ex consuetu-
dine Franciæ Rex Principatum à genere, siue maio-
rum stirpe sibi delatum gerat. Et paulo post sub-
iungit, *Κατὰ τὸ Μάξιμου Δεκετέλειον
ἐπὶ πρῶτος τῶ ἐθνους, καὶ μετὰ τὸ αὐτοῦ, καὶ
ἀπὸ*

vita Leo
rs Isauri
ca an.
parif. 7

ἀντιπροσώπων αὐτῶν ἀντὶ τοῦ, ὡς ἑποφύων
 τε καὶ σωτηρίας καὶ ἀντιδιδόναι αἰσῶς. Id est, Mense
 autem Maio publicitus uniuersæ genti præsidere,
 eamq; genere quodam adorare, & ab eâ rursus ad-
 rari, donis interim patrio ritu, & antidôris ultro
 citroque datis. Quid, quæso, de sanctitate Re-
 gum apud Francos excellentius? quid ad
 laudem Francorum præclarius dici potest?
 Ego sanè dum causas istius ritus, & instituti
 mecum reputo, non queo satis mirari Fran-
 corum prudentiam singularem, ac propè di-
 uinam, qui mense Maio, cui à Majestate
 nomen inditum est, coram maiestate sui Re-
 gis, omnes intimæ charitatis, & animo-
 rum recessus aperiendos existimabant: qui
 mutuis adorationis humanæ solemnibus,
 donisq; reciprocâtibus, fidem & amicitiam,
 si fortè languentem alicuius frigusculi inter-
 uentu, magis magisque resuscitare studebant
 mense Maio, id est, verno tempore, quo non
 homines modò, sed animantes etiam ipsæ
 rationis priuilegio non gaudentes, solo na-
 turæ ductu, & magisterio, suos affectus renou-
 uât, & ad nouæ coniunctionis fœdus iterum
 incalescunt. Quid de animantibus loquor?
 Stirpes etiam, & plantæ huiusce laudis par-
 tem sibi vindicant, & hoc vernali mense.

Viuunt in Venerem frondes, omnisque vicissim

Clau-
de au-
g.

Ho-
& Ma

Fœlix arbor amat, nutant ad mutua palmæ

Fœdera, populeo s. spirat populus ictu,

Et platani plantanis, alnôque assibilat alnus.

Nec in dubium mihi venit, quia Rex Henricus, quo mentis acumine, iudiciôque præcellebat, eodem Maïo, gratiæ, lubentiæque alumno ferias, quibus Regina coronam, Luteria Reginam solenniter, ac pompaticè introeuntem susciperet, haud aliâ de causâ magnificentissimè celebrandas imperauisset, quàm vt se, Reginamque ostentans, cum Regni proceribus, adeoq; subditis omnibus mutuos beneuolentiæ nexus fortiùs ligaret, & prole tam numerosâ, hoc est, Regni columinibus ac destinis, circumseptus, de futuri tēporis felicitate cunctos benè sperare iuberet. Et tamē inuentus est nunquam sine præfatione publici Parricidij nominandus alter Hostius, qui nec metu, nec minis, nec iniurijs, imò ne quidem verbo duriorē prouocatus, sanctissimum Regis corpus, in medio suorum complexu atque lētitiâ, ferro violare non exhorruit, *Immane facinus, nullique antè cognitum tyranno, ac Franco homini,* (vt cum Aimonio loquar) Vocentur omnes ad calculum Franciæ Reges, quorum familiam ducit Pharamûdus, ab eius auspiciatissimo principio per ramos & stemmata singulorum

3.
estis
acor.

defendamus ad hæc vltima tempora : nullus
 ex omnibus occurret, qui vel vnus Franci
 fidem tam subleſtam, manus tam ſacrilegas
 expertus eſt, imò, ſi tres Henricos excipias,
 nullus, qui Francos erga Regem ſuum fidei
 & amoris ſeruantiffimos non fateatur, ideo
 que ſe quaſi Publicæ teſtationis & honoris
 cauſâ iactare, ac præferre titulum, quo vnus-
 quiſque nominari maluit *Dei gratiâ Rex Fran-*
corum, quàm Gallorum : licet Galli fuerint
 Aborigines harum Prouinciarum, quæ nunc
 in vnam Regni Francici ſummam conflatae
 ſunt. Nam, ſi verum amamus, quicquid hi-
 ſtoriæ veteres de paucis apud Gallos Soldu-
 rijs mercenarijs, & conductitijs loquantur,
 non eadem de mentibus ac moribus Gallo-
 rum, mens nobis eſſe debet : ſed quemad-
 modum diuerſum fuit Gallis & Francis ab
 initio ſolum, diuerſum cœlum, diuerſa cor-
 porum temperies, ſic diuerſam quoque in-
 dolem fuiſſe perſuaſiſſimum habere debe-
 mus. His addantur educationes, inſtitutio-
 nes, Religiones, aut veriùs, ſuperſtitiones
 longè diuerſæ, quæ quantum poſſint etiam
 in optimis ingenijs à rectâ virtutum ſemitâ
 detorquendis, nemo ignorat. Nec eſt quod
 de Gallicæ gentis vetuſtate nobis ita blan-
 diamur, vt clauſis oculis veritatem præterea-

Nam
 dio F
 conu
 Clud
 virg
 ſus et
 teſſe

mus, cū certo certius sit, Gallos siue à genio suo, & naturâ sic factos, siue à disciplinâ formatos, ad omne genus crudelitatis pronos extitisse. Quæ res effecit, vt modò truces, & sanguinei, modò crudeles & immanes, alijsque id genus vocabulis diram barbariem sonantibus apud varios scriptores appellentur. Et ne longiùs abiero, Iulius Cæsar testatum reliquit, eos in sacrificijs adeò fuisse delectatos hominis viuicomburio, vt cū nocentes deessent ad innoxios peruenirent. Tamen ne hostili Cæsar's testimonio Gallos opprimere videar, hoc agamus, & varijs exemplis ostendamus apud alias gentes ad cædem audacius faciendam, vel carnicinam atrocius exercendam, Gallos ferè semper, tanquam homines ad omne scelus, & audaciâ proiectos, abhorrentibus cæteris, delectos, paratósque fuisse. Ita sane Plutarchus narrat, cū Caius Marius ad extremas fortunæ incitas redactus, & ultimâ fati necessitate constrictus, apud Minturnenses hostium nutu designaretur ad cædem, & multis de nece tantî viri vel cogitare religiosum esset, itum est ad satellitem Gallum, qui pari immanitate susceptum facinus perfecisset, nisi Marius & famâ nominis, & rerum gestarum gloriâ, & vultus autoritate, & multâ

de
Gall.

niue capitis venerandus sicario trementi, & in fugam verso sceleratum ferrum de manibus excussisset. Nec Augusto postea Cæsari minus periculum à Gallo fuit. Nam *quidam* è primoribus Galliarum destinarat eum, in transitu *Alpium per simulationem colloquij propius admis- sus, in præcipitium propellere.* Sequamur ordinem temporum & ab Augusti principatu delabamur ad Imperatores Christianos sub quibus, si ætates singulas percurramus, semper eiusdem crudelitatis, & atrociae Gallum aliquem nomenclator historiæ stylus nobis ingeret. Sub Valentiniano cùm Maximinus quidam seditionum fax, & incentor, obli- quis inuidiæ commentis, & falsarum accusa- tionum cuniculis mortem Aginatii Senato- ris optimi à Cæsare impetrasset, *retinuit apud se paulisper imperiale præceptum, hærens, & am- bigens quemnam potissimum executorem atrocis rei fidum inueniret.* Tandem *ut solent pares facile con- gregari cum paribus, Doryphorianus quidam reper- tus est Gallus audax adusque insaniam,* cui hanc operam implendâ demandauit. Nunc porro descendamus ad æuum & Imperium Fride- rici. i. qui, cùm ex Italiâ festino reditu pro- peraret in Germaniam, Alpes infestâ latro- num colluie obsessas superare, atque tran- sire non potuit, nisi prius, expugnatis eorum

Sueton.
Aug. Ca.
79.

Circit
annū Chri
sti. 373.

Amm.
Marcell.
Lib. 28.

Circite
aanū Chri
sti. 1156.

castris cœpisset omnes, & in crucem egisset. Verùm quia præsentarium carnificem non haberet, vt ex ipsis literam longam faceret, ei vitam promisit incolumem, qui socios cruci discipulos dederet: Nec mora, cunctis tam infelicis vitæ beneficium aspernantibus, Gallus quidam oblatam sortem lætus arripuit, & hoc est, quod ait poëta, non humillimi spiritus, omnes suspendiosos esse factos,

Gunthe-
us Ligu-
aus de
b. gest.
rid. 1.
ib. 5.

----- excepto scilicet vno,
*Qui socios propria iussus suspendere dextrâ
Obtinuit miseram regali munere vitam
Gallus erat.* -----

Sed iam satis est exemplorum, satis ex ijs cō-
stare poterit, quàm illiberalis, quàm nouerca
fuerit in Gallos natura, vel institutio, quæ
mores, & animos eorum sic efferauit à prin-
cipio, vt crudelitas innata maioribus, vnâ
cum semine parentum ad liberos, ac nepotes
transfusa reperiatur. Quod tamen nō de om-
nibus promiscuè Gallis dictum velim, sed ijs
tantum, qui vel affectus habuerunt tam per-
uicaces, & ad virtutis Imperium rebelles, vt
nullis doctrinæ, vel humanitatis viribus do-
mari potuerint, vel tam sepositi fuerint, & in
locâ solitaria reiecti, vt ex humanioris populi
commercio, & accessu parum, aut nihil leni-
tatis, & *φιλαδελφίας* mutuati sint. Inter

quos vel imprimis numerandi putantur In-
 cullimensis siue (vt nunc scribendi vsus ob-
 tinuit) Engolimensis tractus incolæ, qui vi-
 dentur à Romanis adeò neglecti, vt matrix
 eorū ciuitas apud Iulium Cæsarem, & alios
 vetustiores, nullius nominis sit. Et ne quis
 postea virtutis, ac studiorum vomere magis
 excultos, ingenitam morum asperitatem
 exuisse putet, legat Ausonium poëtam (cu-
 ius euo iam per vniuersum orbem Gallicum
 literarum flores emicabant) qui Tetradio
 viro doctissimo non perfunctoriè nec leui-
 ter irascitur, quòd Inculismæ veluti latebris
 ab omni humanitate remotissimis, maximè-
 que deujs, nulli cognobilis, aut visendus
 absconderetur.

Epist.

Inuitus olim deuorari pristina

Necessitatem absentia,

Epist. 8.

Quondam docendi munere astrictus graui

Inculisma cum te absconderet,

Vulgo n
Engolism

Et inuidebam denio, ac solo loco

Opus Camenarum tegi.

Seriùs etiam Inculimenses frequentati vidè-
 tur à Francis, alijsque populis, quibus è me-
 liore metallo ductos mores, & ingenium be-
 nignius natura donauit: quo factum, vt pri-
 mæua ferocitas, ex omnium pectoribus, etiã
 hoc tempore nondum radicitus extirpata sit.

A Paulo
 erula
 smo-
 phæ sue
 tr. 2. lib.
 Cap. 28.

ano 1563.

b. 2.

Vnde à Cosmographis ac Geographis recentioribus illi, qui hodie Inculismentem agrum habitant, ac ruri degunt, vt homines *impauidi, nihilq; timentes* describuntur. Quàm suam a *Phobias* & pauoris nesciam temeritatem, quidam eorum cum omnium bonorum metu sepe nimis ostenderunt, maximè temporibus hisce postremis, quibus Ioan. Poltrotus Inculismentis homo desperati furoris & audacię, Illustrissimum Principem Franciscum Guisę Ducem inter militum suorum propè amplexus, ad portas Aurelię perfidiosè trucidauit, cui tanquam victimam succidaneam quasi Poltrotus nõdum litasset, Henricum 4. Regem, qui magnitudine operum, & fulgore gestorum omnes suos Antecessores longissimè reliquit, nuperus iste Cultrarius adiecit, & facinore plusquam barbarico fecit, vt populares sui Virgiliani carminis aculeum ampliùs meruere non debeant. *Accipe nunc Danaũ insidias, & crimine ab uno, Disce omnes.* Scio quidem equitatis, & synceri iudiciij regulas nõ pati, vt ex vnus, vel alterius ingenio sanguinario omnes æstimentur vt ex vnus vel alterius delicto, in omnium ceruices pœna redundet: attamen non est nouum, vt ab ijs qui stricto iure seueriùs agunt, etiam

Vnius

Vnius obnoxam, & furias Aiakis Olē,

Tota classis ponto mergatur : vt ob scel-
lus, & infidiam paucorum, multi, si non ex
asse, saltem ex quadrante, vel triente ad hæ-
reditatem pœnæ vocentur. Cæterùm hæc à
me non eo fine disquisita, vel disputata sunt,
vt omnes Inculismenses paucorum scelera
luant : sed vt Rectores, Magistratus, alijque
politiores istius Prouincię viri, qui multi ho-
die, clarique sunt, omnium Francorum vo-
tis satisfaciētes, feros istos, ac ferreos suorū
animos, si qui reliqui sint, vel institutis, ac
disciplinis mitioribus vel morum Magistris,
& Censoribus oppidatim, & vikatim creatis,
vel colonijs aliò traductis (vt olim fieri solet)
vel pœnis grauioribus, & alijs quibuscunq;
remedijs legitimis compescere, ac mitigare
conentur, ne inter homines vitæ suæ prodi-
gos, Regum, & Principum nostrorum salus,
adeoque populi, Regniq; totius, in manife-
starium periculum toties adducatur. Interim
quia iam toties in extremâ tegulâ salutis hoc
Regnum constitutum fuerit, & improuisis
Regum suorum cædibus ad internecinum
penè casum præcipitauerit : omnes boni ci-
ues, adhuc à recenti conspectu vicini præci-
pitij trementes, cuiuscumque sint generis,
aut professionis, in id vnum conspirare de-

bent, vt Regem Ludouicum perpetuò saluū,
& incolumen habeant. Quod ita demùm fœ-
liciter eueniet, si vnusquisq; cautiones Regi
suggerat, quas vel ab arte suâ, vel ingenio, vel
experientiâ potest impetrare. Ego, vt cæteris
cruditionibus, ad operam consimilem incen-
tuum subijciam, munimenta *προφυλακτικὰ*
quæ extemporalitatis memoriæ mihi submi-
nistrat, pleno, grauidóque pietatis in Regem
affectu motus breuiter, & quali per indicem
proponere nō grauabor. Earum autem cau-
tionum,

PRIMA est à Deo, nam, vt ait Philo Iu-
dæus, ὁ μὴ θεὸς ὁδεὺς δεῖται, ὁ βασιλεὺς ὁ
μὴ θεός i. Deus quidem nullius indiget, Rex
autem solius Dei, maximè verò Rex Francorū,
qui sicut Regnum suum Dei gratiâ, se quæsi-
uisse gloriatur in titulo, ita suam, Regniq; tu-
telam ab eodem petendam quotidie cogita-
re debet in voto.

SECUNDA est à semetipso, nam sicut ipse
Rex & Princeps est à Deo secundus, post Deum
primus, ita secundā cautionem petet à seipso,
fulsque præsidijs. i. virtutibus verè Regijs,
quas ita breuiter autumat Dio Christo-
stomus, vbi de Rege sic loquitur, τίς μὴ, ὃς
δεῖ πλείονος Φεγνήσεως, ἢ τῷ βασιλευμένῳ πε-

cul. in

Cap.

it. 3. de

o.

εἰ μεγίστων, τίμῃ δ' ἀκρίβεστερας διακρίνωσιν ἢ τὰς
 μείζονι τῶν νόμων, τίμῃ δ' ἀνδρείας ἰσχυροτέρας, ἢ
 ὅφ' οὗ πόρτα σῶζεται; τίμῃ δ' σωφροσύνης ἐγ-
 κρατεστερας, ἢ ὅτῳ πόρτα ἐξεπαί. i. Cui maiore
 opus est prudentiâ, quàm ei, qui maximis de rebus
 consultat, cui exaetiore iusticiâ, quàm ei qui legibus
 maior est, cui fortitudine validiori, quàm ei sub
 quo omnia servantur, cui modestiâ temperantior,
 quàm ei cui omnia licent. Sed paucis hisce pagel-
 lis non possunt omnes arctari, neque expli-
 cari Regiæ virtutes, quibus singulis libri sin-
 guli dandi, dicandique forent.

TERTIA est à cunctis subditis, corúmque be-
 neuolentiâ, & amore, quia Regem,

*Non sic excubiæ, nec circumstantia pila
 Quam tutatur amor.*

Clau
 Hono
 Imcpr

Sed ita subditorum amor Principem tuetur,
 si Principis vicissim subditos, Errat enim si quis
 existimat tutum esse ibi Regem, ubi nihil à Rege tu-
 tum est, Securitas securitate mutuâ paciscenda est.

Sen.ca
 Lib.
 Clem.

QUARTA est à subditorum, maximè No-
 bilium, & Potentiorum liberis rectè institu-
 tis. Prudenter enim Mœcenas ad augustum,
 ὡς εἰ μὴ τὸ βυλαδὺν τε ἰππεων, ταῦτά σοι συμ-
 βυλαδὺν ἐν τῇ Δία καὶ ἐκείνα, ἵνα ἕως τε ἐπὶ παῖ-
 δεσ εἰσὶν ἐς τὸ διδασκαλεῖα συμφοιτᾷσι. i. de Se-

Apud
 nem I

*natoribus & Equitibus hæc tibi quidem suadeo, sed
 & illa per Iouem, vt quamdiu pueritiam agunt,
 scholas adeant, vt quàm maturrimè non lite-
 ris modò, sed amore Principis, ac Principa-
 tus etiam imbuantur. Quo fine consultissi-
 mum foret, vt vmbratici Doctores, artium-
 que ac scientiarum Professores semper ali-
 quid inter cætera prælegerent suis auditori-
 bus, quod Regiæ Maiestatis obseruantiam,
 & cultum eorum animis ingeneraret, Classi-
 ci præceptores aliquid Græcè, vel Latinè pro
 vario discentium captu, vel ex antiquorum,
 vel etiam Frâcorum Annalibus decerptum,
 Iuris Antecessores leges de veneratione &
 crimine Maiestatis, Theologi in suis con-
 trouersijs de potestate principum enuclean-
 dis, idem quod Diuus Bernardus verè Fran-
 cus ad Ludouicum Iuniorem Francorum*
 l. 170. *Regem. Si totus orbis, aduersum me coniuraret, vt
 quippiam molirer aduersus Regiam Maiestatem,
 ego tamen Deum timerem & ordinatum ab eo Re-
 gem offendere temerè non auderem. Non enim igno-
 ro ubi legerim, qui potestati resistit, Dei ordinatio-
 ni resistit, vel aliud simile, ne toties audiamus,
 eiusmodi sicarios, virorum Ecclesiasticorum
 dictis, vel scriptis, spe mendaci futuræ salu-
 tis persuasos, ad Principum cædes animari,
 quod Arfacidarum, vel Assassinatorum potius*

est, quàm Sacerdotum Christianorum.

QVINTA est ab amicis, & consiliarijs intimis, qui sicut illibati flores è subditis omnibus leguntur: sic illibatam magis, incorruptamque fidem Regi præ cæteris debent, φιλολυσδίχοι potiùs, quàm φιλοβασίλεις, amantiores personæ, quàm fortunæ. Nam fortune secutulei, cùm Princeps eorum famem satiare nequit, aut desinit, amicitia laruam deponunt, & depositum ad tempus perfidiae vulturnum reluentes, in Principem gladios strungunt, *Dium Iulium plures amici confecerunt, quàm inimici, quorum non expleuerat spes inexplebiles.* Senec. C. 30. Lib. 3. ira.

SEXTA est à domesticis ad victum, cultumq; corporis accurandum deputatis. Etenim, vt ab ijs magna cautio, si fideles: ita nulla aduersus eos, si semel bonæ fidei deliquium patiantur. ἄτε καὶ αἰεὶ τὸ μέθ' ἢ μέθ' ἢ νύκτωρ, καὶ γυμνασίοις σφίσι, καὶ θαλάσσοις, σιτία τε καὶ ποτὰ ὡς αὐτῶν περὶ ασκασμένα λαμβάνουσι συγγίνονται. *Quia dies, noctesque semper adsunt nobis, & nudis, & dormientibus, esculenta, ac poculenta, ab ipsis parata capientibus, vt Augustus apud Dionem conqueritur.* Lib. 5.

SEPTIMA est à Censurâ desidū, & otiosorum, qui vbi, ventre, manu, penè, bona patria dissipauerunt: vbi spes omnes sunt desperatæ, Salust.

3. Lib.
Rep.

Chro.
anno
ib. II.

luth. in
on.

sæpè desperationem vertunt in scelus, & audaciam, ac Catilinis, sicubi reperiantur, agglomerantes, in patriam, patrîque patriæ necem coniurant, de quibus coërcendis, ubi existunt, eruditè multa Bodinus, cùm satius foret prouidere, ne existerent. Quare Censorem in singulis Ciuitatibus & Pagis creari necessarium foret, qui familias recenseat, & patres familias districtè cogat, vt pro modo facultatû, arte liberali, vel mechanicâ filios induant, sin minùs, in ius voect, actionem filij neglecti, vel corrupti moueat, vt rectè veteres solent: *Sæuius Plautus*, inquit Eusebius, interprete D. Hieronymo, *corrupti filij reus, in iudicio se interficit*. Quod salutariter imitati sunt Britones, ex quorum iure Municipali nunquam satis laudato, pater de filij malè educati moribus cõuenitur: Hoc enim seruato, ne serui quidem omnis artificij rudes inueniëntur: nec opus erit, quod Corinthij faciebant, otiosos, veluti quisquilias & *κατάρματα* ciuitatis exterminare, si modò in peregrinos renouetur lex Solonis, quæ nullos, nisi artis alicuius peritos, admittebat.

OCTAUA est à curâ pauperum, & errorum mendicantium, à quibus, vel alijs, sub eorû pallio latentibus, etiam Principes occisi leguntur, cur enim ex duobus Cõcilijs olim

apud Turones in Franciâ coactis, suos quæque ciuitas pauperes non fouet, educat, instruit? cur tot mendicorum vagantium cohortes tolerantur, sibi inutiles, alijs graues? cur si validi sint, ex L. Gratiani, & salubri Parisiensium instituto, ad laborem non adigantur, si inualidi, cur Nosocomijs non commendantur? Sed cùm Francia tam multos habeat etiam minimis negotiolis Præfectos, & Curagulos, vt iam multitudine laboret, tamen Catones aliqui nobis essent ab inferis excitandi, qui cum probro Christianorum hanc, otiosorum, & pauperum curam seriò capefferent.

L. vn C
de men
valid. Li

NONA est ab obseruatione peregrinorum: licet enim *Franci hospitales* semper extiterint: & peregrini vel humanitatis causâ sint admittendi, vel necessitatis, ob commercij promiscuum vsum, tamen non indiligenter admitti debent sine obseruatione, quæ nulli curiosior quàm apud Venenatos, qui omnes peregrinos in numero habent. Etiam non indifferenter, non palàm hostes, vel aliàs suspecti. Decreto suo *Athenienses cauerant*, vt qui *Megaritis* ciuis esset, si intulisse *Athenas* pedem prehensus esset, vt ea res ei homini capitis esset.

Agelli
Cap. 10.
Lib. 6.

DECIMA est à monitis & indicijs, quæ fide

digna sunt, & ab amicis profecta, nam Iulius
 ueton.in Cæsar nimium fertur, *quæ renuntiarent amici,*
 l. Cap. *neglexisse, non ab areolis, Magis & alijs eius-*
 dem farinae, quod *genus hominum potentibus*
 Tacit. i. *infidum, sperantibus fallax,* procul ab aulâ suâ
 stor. Christiani Principes eliminare debent.

VND ECIMA est à legibus, & legum pœ-
 nis, quæ in crimine tam frequenti, frequen-
 ter etiam exasperandæ sunt. Nescio quid Ar-
 quisquis cad. & Ho. cogitauerint, dum perduelles
 ad l. Iul. gladio tantum feriri iubent: quasi tam hone-
 jest. sto mortis genere dignus sit, qui tam atrox
 & inhumanum scelus perpetravit. Multo sa-
 Q. Onor. nè asperior, apud Macedones, lex Princi-
 b. 6. pem tuebatur, quæ non authorem modò,
 vel complices, & conscios, sed etiam pro-
 pinquos necari iubebat. Et profectò nulla
 videri potest tâta legis acerbitas, quàm non
 sceleris istius magnitudo superet.

DVODECIMA est à satellitio, & cu-
 stodiâ corporis, quæ etiam optimo Prin-
 cipi necessaria est, vel ideo saltem, vt caueat
 hominum furiosorum rabiem, ac *δαίμονο-*
μορίας, & (vt ait Seneca) *μῆρου πλῆξιν.*
 est fatui Sed ex quibus custodia hæc componenda est?
 agam in Sed ex indigenis, an extraneis? subsisto, si veri
 udo de ex Soldurijs darètur, aut Franci genuini digno-
 orte scerentur,
 laudii.

cerentur, ex illis suaderem. An igitur ex alienigenis? distinguo, si de nouo forent adhibendi, non consulerem, ne cum inuidiâ, & contemptu suorum Princeps eos adsciscere videatur: vt olim Darius, *Qui statuerat custodiam corporis sui, contra ius fâsque peregrino militi tradere, damnatâ popularium fide, quam per duos & 300. annos, inuiolatam Regibus suis præstitissent.* Si vetus consuetudo ferat, potest etiam ex alienigenis, maximè quorum fides iamdiu probata est, Scotis, & Heluetijs, sicut olim Cæsar ex Hispanis, Augustus ex Calaguritanis, cæteri ex Batauis & Frisijs, atque hi semper agmine quadrato, Principem cingant: & vt Tiberium, *miles in forum, miles in curiam comitabatur,* sic illi nostrum etiam in ædes sacras, etiam ad ludos, venationes, & spectacula, in quibus sicarij tales, occasione raptâ, sæpè lusum insolentem, & cruentum luserunt.

Q. C.
Lib. 6.

Q. Cu. 1

Taci
annal.

----- *Sed quis custodiet ipsos.*

Custodes? quis? nisi propria virtus, ac fides: Miserum enim foret Principem Christianū, omnibus diffidere, exemplo Andronici Cōneni, qui parum fidei in hominum pectoribus reponens, vastissimi canis ad cubiculi sui fores religati custodiâ salutem suam muniebat. Denique modis omnibus, ultimum hoc

Iuuenal.
Sat. 6.

Nicetas
And. Co

eto apud *scelus*, priusquam fiat, propulsandum est: *ca-*
ust. Ita *tera maleficia tum persequare, ubi facta sunt, hoc*
gicidiū *nisi providens, ne accidat, ubi euenerit frustra in-*
Q. Curt. *dicia implores.*
cat. Li. 6.

His, quia breuiter & concisè tantum de-
 formata sunt, adiungere consiliū erat, au-
 ream Liuiæ cum Augusto, de securitate, &
 custodiâ Principis, dissertationem, quæ est
 Lib. 55. apud Dionem Cassium, eamque variè con-
 quisitis rationibus, testimonijs, & exemplis,
 quæ hîc desunt, illustrare. Cæterum quia no-
 bis ab onere & pēso recitationum quotidiana-
 rum interspirare modò non licet, eam me-
 ditationem, vel in aliud tempus, vel in alios,
 quibus otij plus suppetit, reijcere cogimur,
 futurum confidentes, vt quemadmodum
 Iupiter in Archimedis pusillâ spherâ, partes
 omnes orbis vniuersi distinctè conspiciebat:
 Ita Rex Christianissimus, atque Regina mē-
 tium nostrarum penitiores affectus, in hac
 exiguâ tabellâ, queant intueri. Neque enim
 ciues Augustoriti Pictonum, sine summo suo
 flagitio, mutare, vel dissimulare possent ani-
 mos, ac studia, quibus non modò Reges, sed
 etiam Reginas perpetuò complexi sunt: Et
 ne plures ex Annalibus eruam, vel vna testis
 erit Gelesuinta Athauaglidi Gothorum in
 Hispaniâ Regis filia, quæ cū summa nuptia

rum ambitione à Chilperico Rege foret expetita, Regalique dote & apparatu itineris instructa contenderet in Franciam: tandem post multas ciuitates à tergo relictas, Pictauium delata est, cuius incolæ turrim ex argento solido, quaquauersus adapertilem & perspicuam quatuor rotis subnixam, artificio tam mirabili construxerunt, vt opus, & manupretium, longè materiam superaret: Illâ Reginam honorificentissimè exceptam, & conclusam, non sine ingenti multorum stupore, & applausu, per totam ciuitatem vexerunt: eiusque spectaculi tam magnifici testè oculatum se fuisse gloriatur, Venantius Fortunatus in poemate, quo Gelesuintæ aduentum sic describit.

Lib. 6.

Post multas vrbes, Pictauas attigit arces

Regali pompâ prætereundo viam.

Et post aliquot versus interiectos,

Hanc ego nempe nouus conspexit prætereuntem

Molliter argenti turre rotante vehi.

Cùm itaque Pictones ab omni æuo, Reges, Reginasque tam prono, ac propenso studio coluerint, tam veneranter, & religiosè semper obseruauerint, non mirum est, si hodie primarijs Franciæ ciuitatibus palmam fidei, ac pietatis in Regem, adeoque Reginam mariem eripere conentur: si pro turri argen-

genteâ, nunc turrim diuinę tuitiõis adamã-
tinam eis supplices optent: ac eodem planẽ
voto, quod Christiani quondam pro salute
Principum nuncupare solent, *vitam illis pro-*
tull. in *lixam, Imperium securum, domum tutam, exerci-*
ca. 30 *tus fortes, Senatam fidelem, populum probum, or-*
bem quietum, à Deo Opt. Max. cõprecentur.

PROSOPOPOEIA TRIVM

HENRICORVM, AD REGEM
Ludouicum XIII.

HENRICVS II.

Discito Nobilibus casu diffidere nostro,
Monstra etiam in Reges, Nobilis Ordo fouer.

HENRICVS III.

Discitio Sacrificis leto diffidere nostro,
Monstra etiam in Reges, Ordo sacratus alit.

HENRICVS IIII.

Discito Plebeijs fato diffidere nostro,
Monstra etiam in Reges, Infimus Ordo parit.

RESPONSIO LVDOVICI

REGIS.

Si plebs, si Clerus, si Nobilis Ordo, cruentis
Iam vacui monstris, corde, animoque valent,
Perpetuò incolumis potero mea scepra tueri
Ni Polus, aut Pelagus iam sua Monstra vomat.

FINIS.